



Uunga:

Inatsisartunut ilaasorta, Hans Enoksen, Partii Naleraq

### § 37 naapertorlugu apeqqut nr. 169-ip 5. oktober 2020-meersup akineqarnera

Inatsisartut suleriaasianni § 37, imm. 1 naapertorlugu Inatsisartuni ilaasortamit Hans Enoksenimit Partii Naleqqameersumit apeqqutigineqartut Naalakkersuisunit ullormi 7. oktober 2020 tiguneqarput.

Akissutit apeqqutigineqartut kingornatungaanniipput.

1. Naalakkersuisut siulittaasuata suliamut attuumassuteqarpallaarnera pillugu Naalagaaffiup Eqqartuussissuserisuata (Kammeradvokatip) misissuinerminit nalunaarusiaq tunniussimavaa. Sooruna kammeradvokatemut attaveqarnerit ingerlasimanagerat Naalakkersuisut siulittaasuanniit Inatsisartunut tunniukkumaneqanngitsut?

**Akissut:**

**Pisortat ingerlatsineranni suliassat sularineqartarnerat pillugit inatsimmi § 10, imm. 4 malillugu Kammeradvokatip Naalakkersuisullu Siulittaasuata Naalakkersuisoqarfiata akornanni attaveqarnerit suliamik takunnissinnaatitaanermut ilaanngillat. Taamaakkaluartoq Naalakkersuisut Siulittaasuata attaveqarnerit siullermik danskisut Kukkunersuineranut Ataatsimiititaliamut aamma Aalisarnermut, Piniarnermut Nunalerinernullu Ataatsimiititaliamut tunniutissallugit toqqarsimavaa. Kalaallisuunngortinneqarnera naammasseriarpat kinguneratigut nassiunneqarumaarpoq. Attaveqarnerit suliamik takunnissinnaatitaanermut ilaanngimmata ataatsimiititalianut isertuussassatut tunniunneqarsimapput.**

2. § 37 nr. 161-kut takuneqarsinnaavoq, Naalakkersuisut siulittaasuata Naalakkersuisoqarfiata Kammeradvokat-ip misissuitinnissaa aalajangersimagaa. Ima paasineqassava, kammeradvokat-ip misissuitinneqarnissaa naalakkersuisut ataatsimoorullugu aalajangersimangikkaat?

**Akissut:**

**Tamanna eqqorpoq. Naalakkersuisut Siulittaasuata Naalakkersuisoqarfia Kammeradvokati suliamik misissueqqullugu qinnuiginnissimavoq.**

3. Misissuinermit nalunaarusiaq 181.798,00 kr.-lerlugu inuiaqatigiinnit akilerneqarsimavoq, nalunaarusiap Inatsisartunut

19-10-2020  
Sulliap normua. 2020 - 19912  
All. nr: 15114526

Postboks 1015  
3900 Nuuk  
Oqarasuaat (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl


1

tunniukkumaneqannginnerata kingunerisaanik 181.798,00 kr.-it Kim Kielsen-  
imit akilerneqarniarpat?

**Akissut:**

**Kammeradvokatip nassuiaataa tamakkiisoq ilaatigut Naalackersuisut  
nittartagaatigut ullormi 22. juli 2020 tamanut saqqummiunneqarpoq.  
Naalackersuisut Siulittaasuata Naalackersuisoqarfia  
misissuisoqarnissaanik qinnuiginnittuummat Naalackersuisut  
Siulittaasuata Naalackersuisoqarfia aningaasartuutitut taakkununnga  
akiliisussaavoq.**

Med venlig hilsen  
Inussiarnersumik inuulluaqqusillunga



Kim Kielsen